



Broj: 01/2-04-3530-1/21
Breza, 14.12.2021. godine

Na osnovu člana 64. stav 1. tačka b), člana 70. st. 1, 3. i 6. Zakona o javnim nabavkama Bosne i Hercegovine („Sl. glasnik BiH“, broj 39/14), Pravilnika o postupku direktnog sporazuma („Službeni glasnik BiH“ br.90/14), člana 6. Pravilnika o postupku direktnog sporazuma za nabavku roba, usluga i radova u jedinstvenom organu uprave Općine Breza („Sl. glasnik Općine Breza“, broj 4/15 i 4/16) na Preporuku Službe za privredu, u postupku javne nabavke direktnog sporazuma za nabavku usluga: Izrada elaborate o uticajima starih rudarskih radova na izgradnju i korištenja prostora unutar zone obuhvata Zoning plana „Poslovna zona Šaš,“ broj: 02/1-2-11-3472-2/21 od 13.12.2021. godine) i člana 116. Statuta Općina Breza – Prečišćeni tekst („Službeni glasnik Općine Breza“ broj: 8/09), Općinski načelnik, d o n o s i

O D L U K U
o izboru najpovoljnijeg ponuđača
DIREKTNI SPORAZUM

Član 1.

Prihvata se ponuda broj 06/8-244-2/21 od 13.12.2021. godine i Ugovor za javnu nabavku usluga: Izrada elaborate o uticajima starih rudarskih radova na izgradnju i korištenja prostora unutar zone obuhvata Zoning plana „Poslovna zona Šaš,“ dodjeljuje se ponuđaču Univerzitet u Tuzli, Rudarsko-geološko-građevinski fakultet Tuzla, za ponudenu cijenu od 5.500,00KM, bez PDV-a, odnosno 6.435,00 KM sa PDV-om, kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču Univerzitet u Tuzli, Rudarsko-geološko-građevinski fakultet Tuzla.

Član 3.

Za izvršenje ove Odluke zadužuje se i ovlašćuje Služba za privredu i Služba za finansije, inspeksijske poslove i opću upravu.

Član 4.

Ova Odluka stupa na snagu danom donošenja i objavit će se na web-stranici Općine Breza, www.breza.gov.ba, istovremeno s upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama Bosne i Hercegovine.

O b r a z l o ž e n j e

Postupak javne nabavke pokrenut je Zahtjevom za pokretanje postupka javne nabavke broj: 04/1-19-3464/21 i Odlukom o pokretanju postupka javne nabavke broj: 01/2-04-3530/21 od 01.12.2021. godine.

Javna nabavka je provedena putem direktnog sporazuma.

Procijenjena vrijednost javne nabavke bez PDV-a je 6.000,00 KM.

Kriterij za dodjelu ugovora je „najniža cijena“.

Krajnji rok za prijem ponuda je utvrđen najkasnije do dana 13.12.2021. godine do 16,00 sati, na protokol Općine Breza, Bogumilska br.1. Breza, elektronski putem e-maila ili faksom.

Dana 13.12.2021. godine, zaprimljena je 1 (jedna) ponuda od Ponuđača Univerzitet u Tuzli, Rudarsko-geološko-građevinski fakultet Tuzla, u kojoj ponuđač konstatuje da je spreman uslugu izvršiti za iznos od 5.500,00KM, bez PDV-a, odnosno 6.435,00 KM sa PDV-om.

Služba za privredu je pregledala ponudu i ustanovila da je ponuda ponuđača Univerzitet u Tuzli, Rudarsko-geološko-građevinski fakultet Tuzla, kvalifikovana ponuda i ispunjava formalno-pravne uslove.

U postupku ocjene provedenog postupka, Općinski načelnik, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Službe za privredu.

Naime, u postupku je ocijenjeno da je Služba za privredu u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.

Ugovorni organ će pozvati izabranog dobavljača radi zaključenja ugovora kojim će se regulisati međusobna prava i obaveze vezane za predmetnu nabavku u skladu sa zahtjevima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Primjenom člana 64. stav 1. tačka b) Zakona o javnim nabavkama Bosne i Hercegovine, te člana 4. stav (3) Pravilnika o postupku direktnog sporazuma („Službeni glasnik BiH“ broj 90/14), odlučeno je kao u dispozitivu.

POUKA O PRAVNOM LIJEKU

Nije propisana mogućnost izjavljivanja žalbe u postupku direktnog sporazuma.

Prilog: Obavještenje

Predlagač: Služba za privredu, Salih Hasanspahić

Obradivač: Jasmina Došlić

Dostavljeno:

OPĆINSKI NAČELNIK

1x Rudarsko-geološko-građevinski fakultet Tuzla

1x Služba za privredu

1x Služba za finansije, inspekcijske poslove

i opću upravu

1x Viši samostalni referent - administrator mreže

1x Evidencija

1x a/a.

Vedad Jusić